

## DA-WIJI'AAWAG GAAWIN AAPIJI NIIBIWA ZHOONIYAN GAA-ONDZISIGWAA ANISHINAABEG GII-AABAJITOOWAAD WAASIGAN

**ONTARIO WAASIGAN WIJI'IWEWIN IZHICHIGEWIN**



Ono anokiiwinan gi-ga-wijiiji'igon ji-mooshkinebii'igeyin

- **ONWAA** ganoosh omaa **1-844-885-3157** maagizhaa gaye daataanga'an oesp@onwaa.com
- The OESP Contact Centre izhi-ganoosh omaa **1-855-831-8151** (gaawin memwaach gi-ga-diba'igesii giishpin Ontario onji-giigidoyin)
- Besho imaa Waasiganigamig gaa-anokiiwaad Maagizhaa gaye gi-daa-ganoonaag OEB omaa **1-877-632-2727** (gaawin memwaach gi-ga-diba'igesii giishpin Ontario onji-giigidoyin)

## GANAGE GIIN BEZHIG GI-DAA-WIJI'I'IGOO?

Giishpin aabajitooyin waasigan endaaayin gaye dash gaawin aapiji zhooniyaa gashki'ad, maagizhaa gi-daa-wijiiji'igo gaawin memwaach niibiwa ji-diba'ige'igooyin waasigan owe izhichigewining Ontario Waasigan Wijiiji'iwewin Izhichigewin (OESP).

## MAAGIZHAA GAAWIN AAPIJI GI-DAA-DIBA'IGE'IGOOSII GI-DIBA'AMAN WAASIGAN

Gii-maajiseg 2016, OESP da-izhichige bangii ji-azhenigaadeg gaa-diba'aman waasigan.

## AANIIN GE-IZHI-WIJI'I'IGOYAMBAN?

Giishpin wii-wijiiji'igooyin, niizhin gegoo da-ganawaabanjigaade:

- Aaniin endashiwaad gaa-wijiidaamadwaa endaaayin gaye
- Aaniin minik maamaw zhooniyaa e-ondziyeg

Aaninda awiyaag wiinge niibiwa odiba'aanaawaa waasigan endaaawaad ishkoninganing nawach aaniish niibiwa waasigan odaabajitoonaawaa gii-baatiinowaad waakaa'iganing. OESP dash o-da-wijiiji'aa' ini gaa-gidimaagzinid anishinaabe'.

Daabishkoo owe, giishpin niwiwaad a wiyag waakaa'iganing, \$39,000 dash eta minik zhooniyaa ondiziwaad maamaw, \$50.00 minik da-azheseni gaa-diba'igewaad endaso-giizis.

## OESP MINIK GE-WIJI'IWEWAAD WAAKAA'IGANING

Minik Zhooniyaa gaa-ondiziwaad maamaw	Minik gaa-daawaad imaa waakaa'iganing						
	1	2	3	4	5	6	7+
28,000 maagizhaa gaye nawach bangii	\$68	\$68	\$75	\$83	\$90	\$113	\$113
28,001-39,000	\$60	\$68	\$75	\$83	\$90	\$113	\$113
39,001-48,000		\$52	\$60	\$68	\$75	\$83	\$83
48,001-52,000			\$52	\$60	\$68	\$75	\$68

## AANIIN DASH GE-IZHICHIGEYAAMBAAN JI-DAGWIYAN GENIIN?

Bizanigo gi-daa-mooshkinebii'aa'n mazina'igan imaa Ontario Ashangewininiwag Gaa-okwiwaad (ONWAA).

ONWAA da-biizhaawag gidishkoniganing gidazhiikewining ji-wiji'iweaad ji-mooshkinebii'igaadegin ono mazina'iganan. Gi-daa-wijiiji'igoog gegiin.

Maagizhaa gaye giin igo gi-daa-mooshkinebii'aa'n iwe mazina'igan giishpin ayaayin gaa-daataangiwebinigaadeg mamaandaawaabik giishpin aazha gaa-maajinizha'aman gaa-wiindamaageng aaniin minik taaksis gaa-diba'igeyin gaye gaa-ozhibii'igewaad igi Canada Revenue Agency ji-naagwak aaniin minik zhooniyaa e-ondziyeg gaawijiidaamadwaa maamaw.

## WEGONEN GE-WAABANDA'AGWAA IGI ONWAA?

Owe waabanda'awe ONWAA gaa-onjiid:

- 1 Iwe ishkwawaach gaa-gii-diba'aman waasigan
- 2 Aan ezhinikaazowaad gaye aaniin apii gaa-nitaawigiwaad gakina gaa-wijiidaamadwaa
- 3 Ji-waabanda'iweyin aaniin minik zhooniyaa e-ondziyeg maamaw imaa gidaawining.